

Des Klagspiegels.

LXX

erheyscht. Leichter vnfleiß/dz ist ein verfaumnis/die da auß minderm vnfleiß
 kompt/wiewol er gleich wont vnd sich helt in seinen eygenen vnd frembden ha-
 ben/vnnd in dem so ist vnderscheidt vom argenlist/vñ auch so hat er solichen
 fleiß vnd sorg/die sich gemeynlich vnder den menschen gebürt vñ erheyscht/vñ
 in dem so ist vnderseyd zwischen disem vnnd dem grossen vnfleiß/er ist aber
 yegund nit als fleißig/als er am ersten gewesen ist/das ist zü der zeit/als der cō-
 tract volbracht ward. Der leicht vnfleiß ist/da cynem gebriecht an weißheit/
 die man in der menschen natur finden mag/wiewol er gleich wont vnd sich helt
 in sein eygen vnd frembden haben. Vnd in dem so ist vnderseyd zwischen ar-
 gemlist/vnd hat auch sollichen fleiß vnd sorg/die sich gemeynlich andern mens-
 chen erheyscht vnd gebürt/vnd in dem so ist vnderseyd vom grossen vnfleiß/
 vnd ist yegund als fleißig/als er vor gewesen ist/vnd in dem so ist vnderseyd
 vom leichtern vnfleiß/man brüffts aber in dem/das er sich in der weißheit/die
 man in der menschen natur finden mag/übel gehalten hat.

Leuis culpa.

Leuissima culpa.

De actione ex conducto.

¶ Von bestehn oder entlehen/zeben capitel.

¶ Wo einer bestanden hat eyn hauß/oder eyn grund/vñ der hinleiber will die
 bestandē habe nit übergebē/so ers schon übergibt/so will er die andern habe dar
 zü gebürtend/nit leihen oder reichen/die er zü leihen schuldig ist. Ist gemacht di
 selbtag/dem der bestanden hat/wider den hinleiber. In den selben beyden klage/
 des hinleibers/vnd ders bestanden hat/gebürt sich.

¶ Am ersten/das der bestender vnnd hinleiber eynehellig seind/als sich auch in
 allichen puncten in den obgemelten nechsten beyden klagen gebürt.

ff. § loca. et cōduc.
l. j. et. ij.
ff. loca. z cōduc. l. ij.

¶ Am andern/das der contract vmb gelt geschehe/als inn kauffen/wo er aber
 anders geschicht dann vmb gelt/so heysst sollichs nit leihen oder bestehn/sunder
 eyn ander vnbenerter cōtract. Also gebürt dise klage wider den/der bauwet/vñ
 gelt dauon gibt vmb gelt willen/oder wider den/der vmb eyn teyl bauwet/ge-
 bürt dise klage nit/sunder eyn ander/die heysst Prescriptis verbis/vel pro socio.

ff. loca. si merces.
§. apparet.

¶ Am dritten/das der der leibet/vnd der/der besteht/sei eyn solich person/dz er
 sich obligieren möge. Welch person sich nit verpflichten mögen/sunderstu oben
 in der klage vom kauffer.

ff. loca. qui ad cer-
tum.

¶ Am vierden/sollen beyde der leiber vnnd bestender eynehellig sein im grund/
 wañ wo sie irren/so ist sollichs keyn hinleiben.

ff. e. si decem.

¶ Am fünften/das das gelt sei in eyner summa/wañ bestünd eyner et was nur
 vmb eyn pfenning/sollichs wer keyn bestehn.

ff. e. si. quis cōdu-
xerit.

¶ Am sechsten/das die habe/die ich bestehe/sei nit mein/wañ sollichs bestehn
 vnd hinleiben ist vernicht.

ff. e. de reg. iu. neq;
pignus.

¶ Am sibenden/das die habe also sei/das sie hingeluben mög werden/vnd das
 wir nit der selben habe schaffen vnd thun mögen nach vnserm willen.

¶ Fremertlich sunderbeyt hat dise klage vmb bestehn/in der ich dir capitel setzen
 will/das du dester ehe findest das du begereist.

ff. de ver. ob. multū
ff. loca. locare.

¶ Das erst capitel gebürt dem bestender/das der hinleiber in die bestanden ha-
 ben messen laß/vnd das in zwen weg/wañ vnder weilen mag der/der bestanden
 hat/klagen/wo jm verbottē würt zü wonen im hauß vom hinleiber/oder von
 dem/der dem hinleiber solchs verbieten mag/oder wo jm verbotten würt/von
 cynem/der dem hinleiber nit verbieten mag/als wo der herzedes hauß wonē
 soll/vnd in dem casus hat der hinleiber wissentlich das frembde hauß verluhē/
 vnd in dem casus kompt der gantz schad. interesse genant/des bestenders/vnd
 würt auch geschätzt der gewinn.

¶ Also formier dein klage.

¶ In iij